

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

মঙ্গলবার, জুন ২০, ২০১৭

গণপ্রজাতন্ত্রী বাংলাদেশ সরকার  
অভ্যন্তরীণ সম্পদ বিভাগ  
ঢাকা  
প্রজ্ঞাপন

তারিখ, ০৪ আষাঢ় ১৪২৪ বঙ্গাব্দ/১৮ জুন ২০১৭ খ্রিস্টাব্দ

**এস, আর, ও নং ১৯৬-আইন/২০১৭/২০-মুসক।**—উন্নয়ন সারচার্জ ও লেভী (আরোপ ও আদায়) আইন, ২০১৫ (২০১৫ সনের ২০ নং আইন) এর ধারা ৬ এ প্রদত্ত ক্ষমতাবলে সরকার উক্ত আইনের ধারা ৩ এর দফা (ক) দ্বারা আরোপিত তথ্য ও যোগাযোগ প্রযুক্তি উন্নয়ন সারচার্জ আদায়ের লক্ষ্যে নিম্নরূপ বিধিমালা প্রণয়ন করিল, যথা:—

**১। শিরোনাম।**—(১) এই বিধিমালা তথ্য ও যোগাযোগ প্রযুক্তি উন্নয়ন সারচার্জ (আদায় ও পরিশোধ) বিধিমালা, ২০১৭ নামে অভিহিত হইবে।

(২) ইহা ০১ জুলাই, ২০১৭ খ্রিঃ তারিখ হইতে কার্যকর হইবে।

**২। সারচার্জ পরিশোধ, ইত্যাদি।**—(১) বাংলাদেশে আমদানিকৃত ও স্থানীয়ভাবে উৎপাদিত সেলুলার মোবাইল টেলিফোন সেট এর উপর উন্নয়ন সারচার্জ ও লেভী (আরোপ ও আদায়) আইন, ২০১৫ এর প্রথম তফসিলে উল্লিখিত হারে তথ্য ও যোগাযোগ প্রযুক্তি উন্নয়ন সারচার্জ পরিশোধ করিতে হইবে।

(২) উপ-বিধি (১) এ উল্লিখিত তথ্য যোগাযোগ প্রযুক্তি উন্নয়ন সারচার্জ সেলুলার মোবাইল টেলিফোন সেট এর আমদানিকারক বা উৎপাদনকারী প্রতিষ্ঠান ট্রেজারী চালান বা ইলেকট্রনিক ট্রান্সফারের মাধ্যমে অর্থ বিভাগ কর্তৃক সুনির্দিষ্টকৃত অর্থনৈতিক কোডে জমা প্রদান করিবে।

**৩। প্রতিবেদন দাখিল।**—প্রত্যেক সেলুলার মোবাইল টেলিফোন সেট এর আমদানিকারক বা উৎপাদনকারী প্রতিষ্ঠানকে এই বিধিমালার সহিত সংযোজিত ফরমে সরকার বা জাতীয় রাজস্ব বোর্ড কর্তৃক এতদুদ্দেশ্যে ক্ষমতাপ্রাপ্ত কর্মকর্তা বা কর্তৃপক্ষের নিকট বিধি ২ এর অধীন পরিশোধিত সারচার্জের বিবরণী পরবর্তী মাসের ১৫ (পনের) তারিখের মধ্যে মাসিক রাজস্ব বিবরণীর সহিত পৃথকভাবে দাখিল করিতে হইবে।

(৬৮০৭)

মূল্য : টাকা ৪.০০

গণপ্রজাতন্ত্রী বাংলাদেশ সরকার

অভ্যন্তরীণ সম্পদ বিভাগ

ফরম

[ বিধি-৩ দ্রষ্টব্য ]

তথ্য ও যোগাযোগ প্রযুক্তি উন্নয়ন সারচার্জ এর মাসিক বিবরণী

মেয়াদ :  মাস  বৎসর

প্রতিষ্ঠানের নাম :

ঠিকানা সহ আনুষঙ্গিক তথ্যাবলী:

মুসক সনাক্তকরণ সংখ্যা:

অর্থনৈতিক কোড :

(ক) আমদানিকৃত সেলুলার মোবাইল টেলিফোন সেট এর ক্ষেত্রে যে মূল্যের ভিত্তিতে আমদানিস্তরে আমদানি শুল্ক নিরূপণ করা হয়, সেই মূল্য	জমাকৃত সারচার্জের পরিমাণ (অঙ্ক ও কথায়)
(খ) স্থানীয়ভাবে উৎপাদিত সেলুলার মোবাইল টেলিফোন সেট এর সরবরাহের ক্ষেত্রে যে মূল্যের উপর মূল্য সংযোজন কর নিরূপণ করা হয়, সেই মূল্য (অঙ্ক ও কথায়)	

সংযুক্তি:

- (১) জমাকৃত ট্রেজারী চালানের অনুলিপি; অথবা
- (২) ইলেকট্রনিক পদ্ধতিতে সারচার্জ প্রদানের ক্ষেত্রে গ্রহণযোগ্য প্রমাণপত্র।

তারিখ:

(-----)

সেলুলার মোবাইল টেলিফোন সেট  
আমদানিকারক/উৎপাদনকারী প্রতিষ্ঠান।

রাষ্ট্রপতির আদেশক্রমে,

( মোঃ নজিবুর রহমান )

সিনিয়র সচিব।